

Reel Contents

- 1. Leske / Homeri versionem
germanicam non esse probandam ...**
- 2. Magdeburg / De Polybii re
geographica**
- 3. Loers / De tribus P. Ovidii Nasonis
Fastorum codicibus manu scriptis**
- 4. Harles / De praeconum apud
Graecos officiis**
- 5. Loeschhorn / Quaestiones lyricae et
tragicae**
- 6. Knos / Vita Demosthenis**
- 7. Ludwig / De jure adcrendi :
dissertatio I**
- 8. Lobeck / De compositione
substantivorum : dissertatio I**
- 9. Lobeck / De dodecatheo P. II**
- 10. Lobeck / De adjectivorum motione
anomala : diss. IV**

Reel Contents (2)

- 11. Lobeck / De nominibus in [ma] exeuntibus : dissertatio secunda**
- 12. Lobeck / De syllabis duplicatis tertia : Contin. [Sec.] 7**
- 13. Lobeck / De syllabis duplicatis tertia : Contin. [Sec.] 8**
- 14. Lobeck / De prothesi et aphaeresi consonantium dissertatio tertia**
- 15. Lobeck / De vocabulorum graecorum metathesi : pars altera**
- 16. Lobeck / De terminationum tertiae declinationis ... dissertatio quarta**
- 17. Lobeck / De diphthongis impropriis : pars altera**
- 18. Heumann / Vereinzelte Beiträge zur Kenntniss der mustergültigen ...**
- 19. Lueder / De abolitione paschali, maxime de quaestione utrum illa ...**

Reel Contents (3)

**20. Lübbert / Gründung der akademie
durch Platon : rede zur feier des ...**

**21. Luthe / Begriff und Aufgabe der
Metaphysik ([sophia]) des Aristoteles**

**22. Loeschcke / Vermutungen zur
griechischen Kunstgeschichte und**

**23. Lüttgert / Bemerkungen zu Cicero's
Schrift De natura deorum als ...**

**24. Loewe / Über die Praepositionen a,
de, ex bei Ovid**

**25. Lucatelli / Ragionamento sopra un
frammento d'un antico Diaspro
intagliato**

**MASTER
NEGATIVE
NUMBER**

00-0231.1

**MICROFILMED 2002
THE CLASSICS LIBRARY
UNIVERSITY OF ILLINOIS
AT URBANA-CHAMPAIGN
URBANA, IL 61801**

**AS PART OF THE
DITTENBERGER-VAHLEN
CIC 6 PRESERVATION GRANT
PROJECT**

**Funded by the
National Endowment for the
Humanities**

**Reproduction may not be made without
permission from The Classics Library,
University of Illinois at Urbana-Champaign.**

COPYRIGHT STATEMENT

The copyright law of the United States (Title 17, United States Code) governs the making of the photocopies or other reproductions of copyrighted material including foreign works under certain conditions. In addition, the United States extends protection to foreign works by means of various international conventions, bilateral agreements, and proclamations.

Under certain conditions specified in the law, libraries and archives are authorized to furnish a photocopy or other reproduction. One of these specified conditions is that the photocopy or reproduction is not to be "used for any purpose other than private study, scholarship, or research." If a user makes a request for purposes in excess of "fair use," that use may be liable for copyright infringement.

The institution reserves the right to refuse to accept a copy order if, in its judgment, fulfillment of the order would involve violation of the copyright law.

AUTHOR: Leske, Nathaniel
Gottfried

TITLE: Homeri versionem
germanicam non esse
probandam disseritur

PLACE: Lipsiae

DATE: [1772]

BIBLIOGRAPHIC RECORD TARGET

The Classics Library
University of Illinois at Urbana-Champaign

CLC 6 / NEH Dittenberger-Vahlen Microfilming Project

Storage Number : 00-0231.1

Leske, Nathaniel Gottfried.

Homeri versionem germanicam non esse probandam disseritur /
Nathanaele Godofredo Leske.

Lipsiae : Langenhemia, [1772]

xvi p. ; 21 cm.

1. Homer. I. Title.

Language: Latin.

OCLC: nc

Technical Microfilm Data

Microfilmed by
Preservation Resources
Bethlehem, PA

On behalf of
The Classics Library
University of Illinois at Urbana-Champaign
Urbana, IL

Film Size:	35mm microfilm
Reduction Ratio:	<u>11 : 1</u>
Image Placement:	IA <u>(IIA)</u> IB IIB
Date filming began:	<u>12-9-02</u>
Camera operator:	<u>K. Jones</u>

STATEMENT ON DUPLICATE IMAGES

This reel of microfilm contains material which has paper color changes, stains, or illustrations (some of which may appear on pages mixed with printed text). In order to ensure that all text and illustrations are legible, exposure settings must be changed. Therefore, when text and illustrations exist in a single image or when material backgrounds differ, such frames may need to be exposed twice.

The first exposure reflects the camera operator's best effort to capture the majority of the text; the second exposure reflects the camera operator's best effort to capture illustrative material or the remaining text. It is hoped that this practice will result in a microfilm product that fully serves the needs of most researchers.

PM-MGP METRIC GENERAL PURPOSE TARGET PHOTOGRAPHIC






150 mm

100 mm

A5

A4



ABCDEFGHIJKLMNOPQRSTUVWXYZ
abcdefghijklmnopqrstuvwxyz1234567890

ABCDEFGHIJKLMNOPQRSTUVWXYZ
abcdefghijklmnopqrstuvwxyz1234567890

ABCDEFGHIJKLMNOPQRSTUVWXYZ
abcdefghijklmnopqrstuvwxyz
1234567890

ABCDEFGHIJKLMNOPQRSTUVWXYZ
abcdefghijklmnopqrstuvwxyz
1234567890

1.0 mm

1.5 mm



2.0 mm

2.5 mm

PRECISIONSM RESOLUTION TARGETS



A & P INTERNATIONAL
715/262-5788 FAX 262-3823
577 LOCUST ST.
PRESCOTT, WI 54021



P. 727.

LESIE

1344

LIBRARY
OF THE
UNIVERSITY OF ILLINOIS
16 S 14

EPISTOLA

Q V A

VIRVM NOBILISSIMVM AC DOCTISSIMVM

CAROLVM GODELOBVM
MÜLLERVM

KAYNAVIA - ZIZENSEM

EX

LIPSIENSI ACADEMIA

DECEDENTEM

VOTIS PROSEQVITVR

COLLEGIVM DISPVTATORIVM

SVB PRAESIDIO

VIRI CLARISSIMI

IOANNIS CAROLI ZEVNE

BONAR. ARTIVM MAGISTRI

INTERPRETE

NATHANAELE GODOFREDO LESKE

MVSKAVIA - LVSATO

MEDICINAE CVLTORE.


*Homeri Versionem Germanicam non esse
probandam differitur.*

LIPSIAE

EX OFFICINA LANGENHEMIA.

V I R O
NOBILISSIMO ET DOCTISSIMO
CAROLO GODELOBO
M V L L E R O

S. D. P.
SVIS SODALIVMQVE VERBIS
NATHANAELIS GODOFREDVS LESKE

 Quum nihil omnino sit in hoc rerum vnũuerso, quod firma atque stabili permaneat constantia; nec nostram, AMICE, fore coniunctionem perpetuam, diu iam dolens intellexi. Nihilo tamen secius subitaneus hicce TVVS a nobis discessus maximo me perfundit moerore. Quae enim, si tam caro atque praestante amico caruero, mihi sint euentura damna, omnia praesentio: cum non vulgaris illa, sed propria quaedam inter nos adhuc intercesserit amicitia. Quodsi enim, quod Philosophi docent, verum est, at est verissimum, *conciliatricem amicitiae virtutis esse opinionem*; hinc, cum TE et probitate morum et animi sinceritate, non mihi solum, sed etiam omnibus qui TE noverint, probatissimum praebueris, facile intelligitur, cur ego, caeterique quibuscum vna fuisti, semper TE fecerimus tanti. Cui animi TVI integritati, cum eximia quaedam ingenii atque iudicii vis excellentiaque accessisset, qua quemlibet TVORVM aequalium non solum aequares sed etiam longe superares, nulla non, qua TECUM versaremur fuit hora, quin a TVO meliores doctioresque discederemus sermone. Ingenii enim vim atque iudicii acumen a natura acceptum, omni semper diligentia adhibita, et praeceptorum praestantissimorum disciplina, et optimarum artium studio, magis magisque perficere dudum institueras. Quare, etsi animum appuleras ad Theologiam inprimis discendam, cuius in studio non parum TE profecisse constat; multum tamen absuit, ut stultitiam aut vanam superstitionem quorundam probares, qui litteras humanitatis a Theologi

A a

logi

IV

logi studio quam maxime abhorrere somniant, vt TV potius istam pestem, quae nunc quibusdam in locis scholas Theologicas infestare dicitur, semper detestareris, et, magnorum exemplis virorum incitatus, haud mediocrem artibus liberalibus dares operam, ratus, neminem, nisi illis imbutum, libros sacros vel recte intelligere vel aliis interpretari posse. Cum hoc studio philosophiae cognitionem coniungendam putasti, non tam vulgaris illius ieiunae, quamquam nec illam quidem neglexisti, quam popularis illius, quae ex Graecorum Latinorumque libris discitur, nec perspicuitatem et suavitatem eloquentiae a sapientiae subtilitate et ratione seiungit. Itaque instructus hac non vulgari doctrinae suppellectili, oris suauitate et singulari dicendi atque differendi elegantia et subtilitate ad nostram cum accessisses societatem: subinde nobis fecisti copiam, ex TVAE sapientiae vbertate fructus utilitatis laetitiaeque percipiendi non exiguos. Ad has ingenii artisque virtutes, cum singularis quaedam probitas animi et modestia accessisset, vt, cum praestares facile, seruares tamen acquitatem, atque lubens disceptatione vinci TE, si vel victor esses maxime patereris, princepsque esse malles, quam videri: satis intelligi potest, quo TVA nobiscum consuetudo fuerit praestantior et gratior, eo grauiorem ac iustiore nostrum ex habitu TVO esse censendum dolorem. Verum tamen noli putare, nos eam committere repugnantiam, vt, cum TE vere amemus, de TVIS doleamus commodis. Si enim, quod vulgo dicunt, verum est, *amicorum omnia esse communia*, felix ea, quae TE exspectat, fors; laetitiam nobis communem excitet oportet. Quapropter ego, id quod vltro concupiscebam, iussu sociorum meorum officium, idque mihi longe gratissimum, gratulandi TIBI animo admodum hilari in me suscepi, vt ita, et animi mei erga TE propensionem TIBI publice ostenderem, et in vltima hac valedictione remedium quoddam vulneris mihi inflicti forte inuenirem. Gratulamur igitur TIBI, VIR PRAENOBILISSIME, felicem TVVM ex Lipsia decessum, praesertim cum virtus TVA nobis spem faciat maximam, fore, vt curriculo studiorum Academicorum iam recte et honeste confecto, praemiis ornetur haud spernendis. Etenim cum semper omni id egeris studio, labore et cura, vt olim Ecclesiae ac Reipublicae prodesse quam plurimum: merita TVA non potest non sequi ea rerum conditio, qua omnibus votis potiaris, et quae, cum animo sit exoptatissima, tum corporis viribus accommodatissima. Nam ea, quae animi angusti et parui sunt, amare diuitias cupere

V

perere otium atque voluptates, in animi TVI altitudinem non cadunt, quae, quae eximia plerisque et praecleara videntur, parua ducis, nec aliis, quam, quae animi magni et excelsi sint, studes. Sortem, in qua tranquillitas animo, et securitas corpori adsit, quae afferat cum constantiam tum etiam dignitatem, omnium reor esse dulcissimam. Quae, ut TIBI contingat, tantum adest, ut anxii et dubii optemus, ut potius certe eam speremus, et animo laeto praeuideamus.

Quamquam vero TVA virtus maiores laudes meretur: vereor tamen, ne, si illas ulterius prosequi coner, modestiam, quae in TE haud vulgaris cernitur, offendam, et aliquid fuscipiam, quod parum meis conveniat viribus. Malo itaque virtutes TVAS praedicari ab aliis, me laude multum clarioribus. Caeterum nos nostrum erga TE studium et amorem factis potius, ubicunque fieri possit, quam verbis ostendendi cupidus esse, TIBI persuadeas velim. Quocirca missis communibus amicitiae significationibus, ad illud, quod nos coniungit, litterarum vinculum accedam, atque ex tam amplo deliciarum campo, quaedam, quae factae inter nos societatis, memoriam servent, deligam; ut, et ego paullo diutius TEcum queam colloqui, et caeteri, si modo fieri potest, quantum TVA mihi profuerit societas luculentius cognoscant.

Cogitanti autem mihi materiam, quae, et TIBI non displiceret, et vires meas non prorsus excederet, occurrit trita illa admodum atque communis quorundam nostrorum sententia, qua cum praestantissimos quosque veterum Graecorum et Latinorum auctores, quos classicos vocant, in sermonem patrium transferendos esse censent, tum praecipue Homerum, principem facile poetarum, omni opera interpretandum arbitrantur. Quod si, qua ratione olim Ciceronem in Platonis Aristotelisque libris vertendis, aut in Homero, Hesiodo, Theocritoque interpretando Virgilium, atque nostra aetate Mendelssohnium in Platonis Phaedone transferendo usos esse videmus, eandem quoque nostris hominibus, in quibus tantus vertendi pruritus inest, placere intelligeremus: forte non haberemus quod reprehenderemus, et ipsis, ne facerent, interdictum putaremus. Verum cum vulgo censeant, veteres plane sic vertendos esse, ut verterit Cicero Arati Phaenomena, et imprimis Homeri carmina, ita in Germanicam linguam transferenda, ut, si Graeca, Gregoriorum furore et stultitia nobis erepta et deleta fuissent omnia, Germani haberent, unde Homerum sibi plane restituerent Graeci: eiusmodi consilium non modo vanum et supervacaneum esse iudica-

VI

mus, sed etiam, si vel maxime ad finem possit perducī, praeter puerilem quamdam exercitationem, nihil habere commodi, quod ad alios possit redundare, immo alia afferre damna multo grauiora. Caeteris praetermissis, de Homero solo videbimus, cuius perfectam et suis numeris absolutam interpretationem germanicam non omnino esse expectandam, eamque, si fieri possit non modo superuacaneam esse, sed etiam damnum afferre, in praesentia ostendere animus est. Quod argumentum, ut TIBI non iniucundum, ita nec omni utilitate destitutum fore arbitramur.

Saepe et multum cogitanti, quare tantum studium veteres certatim vertendi nostris hominibus hac aetate imprimis insit, temerene Gallos, ut in victu cultuque, ita etiam in hoc studiorum genere imitentur, an rationibus quibusdam ducti id operam dent, mihi quinque imprimis rationes occurrerunt, quae cum specie veritatis aliqua dici posse viderentur. Volunt enim vel *sibi*met ipsi consulere isti interpretes, ut comparent famam, aut famem, qui grauissimus interdum scribendi magister solet esse, sedent et compescant, et liberales adeo artes ad lucrum admodum illiberalem trahant; vel *aliorum* rationibus prospicere, qui, aut ob genus vitae litteras Graecas non discere potuerint, aut ob ignauiam fugamque laboris cognoscere noluerint; vel *sermonis* patrii rationem habere, ut verbis rerumque imaginibus et sententiis locupletetur; vel gloriolam quamdam *Germanis* reconciliare, ut hi habeant, quod apud externos frustra adhuc quaesieris; vel denique id agunt, ut studium Graecarum litterarum, quod plerisque vanum et superuacuum videtur, quantum in ipsis est, omne exstinguatur, idque tempus quod illi est impendendum, vtilius, scilicet, consumatur in *altioribus*, quas vocant, disciplinis. Quid igitur de his rationibus statuendum nobis esse videatur, breuiter ostendere conabimur.

Qui non nisi nomen laudemque ingenii magni, in Principe ingeniorum Homero transformando, sibi quaerunt, eos vanae gloriae cupidos esse existimo, consiliumque ipsum minime laudandum. Nam quamquam, si verum nobis effecissent Germanicum Homerum, laus singularis ingenii ab illis non abesset: cum tamen res ipsa inter *admirata* sit referenda, atque optima quaeque versio plus obsit quam prosit publicae causae, uti infra docebimus, consilium istorum tamquam stultum, temerarium, et improbum est condemnandum. Etenim recte praecipiant Philosophi, nihil esse honestum et laude dignum existiman-

stimandum, quod a publicae utilitatis rationibus sit se iunctum. At certe, inquit, diligenter legendo Homerum, sedulo contemplando, et in varias quasi formas transmutando, donec efficiatur versio, quae Graeca plane exprimat, interpretis cognitio mirifice augetur, et formatur ingenium ad excellentiam vimque ingenii Homericum. Hoc consilium quidem per se vituperandum non est, dummodo intra fines exercitationis contineatur puerilis, qualem vulgo praecipiunt dicendi magistri. Verum, quid inde ad caeteros redundet commodi, nondum video, ob quod tantopere illud satis probari possit consilium. Num, si quis tibia aliqua recte cantare didicerit, eadem tibia magis proderit alii cuidam, quam quaecunque alia? aut scalpellus aliquis, ad recte secandas venas, alii, qui non in hoc genere est exercitatus ipse, quicquam proderit, etiamsi tu usu illius mirificus in venarum sectione extiteris artifex? At vero librum ita interpretari, ut verbum de verbo reddatur, praeter puerilem quamdam institutionem non alium fere praestat usum. Verum interpretationem, ut Graecorum, ita etiam Homeri, quam Quintilianus, optimus huius rei magister, praecipit, et Virgilio v. c. placuisse videmus, eam utilem et probandam esse nosmet ipsi ducimus. Quintilianus quidem Instit. Orat. N. 5. praecipit: *neque ego παραφρασιν esse interpretationem tantum volo, sed circa eodem sensus certamen atque aemulationem.* Quem locum utinam legant, quicumque e nostris ad interpretationem alicuius Graeci vel Latini Auctoris accedunt, ubi egregia continentur praecepta de natura imitationis, quam longe praestantior omnino vulgari vertendi ratione existimamus multis de causis, quas hic commemorare nihil attinet. Ex latinis quidem, quis melius rem declarat quam Virgilius? qui solus, quomodo Homero ad formandum ingenium utendum esset, sat luculenterque ostendit. Eum enim legisse iterumque relegisse Homerum quam diligentissime, huncque unum, quem imitaretur, in scribenda illa diuina Aeneide sibi proposuisse, excellens eius posteritati traditum opus docet, quo nomen famamque sibi comparavit tantam, ut, non solum Quintilianus testimonio, *Homero secundus esset, proprius tamen primo quam tertio*, verum etiam caeterorum eruditorum iudicio, si non dictorum gravitate, cogitationumque sublimitate, certe sublimitate, et elegantia, et urbanitate multis in locis antecelleret. Quae si contemplamur, hunc, quem ex versione Homeri germanica publice edenda usum ad auctorem eiusdem redundare asserant, tum quidem

dem nullum esse apparet, si in versione persistat tantum, fieri vero praeclarum, si intellecto sensu Homeri, eum imitari, atque in suum usum conuertere, sibi proponat, utpote cum ita Homerus suum retineat honorem, ususque, qui inde expectetur, praestantior eueniat.

At vero, obiciunt, omne hoc consilium suscipitur eorum gratia, qui, Graeca cum ignorent, cupiunt tamen diuinum Principis Poëtarum ingenium cognoscere. Verum etiamsi fieri posset, ut Germanica conficeretur interpretatio, quae admodum Graecum referret Homerum: non tamen sequeretur, ut illud consilium a vanitate esset liberum. Etenim primum vim ingenii Homericum assequi non poterunt, nisi qui litterarum Graecarum sint periti, et in antiquitatibus versatissimi. Nisi tibi est notitia opinionum, rituum, et institutorum, antiquissimae Geographiae, Historiae, artis naualis et militaris, disciplinae publicae et priuatae, multarumque aliarum rerum, quae e diligente veterum lectione cognoscuntur; vel haerebis multis in locis, vel Homerum non minus fortasse tanquam stolidum, ineptum vituperabis, quam Peraultius, alique, qui expertes litterarum Graecarum, nihil rectum, bonum, elegans, nisi quod ipsorum moribus conueniret, putarunt. Deinde, qui ad emendationem morum ex Homero in mercatores mulierculasque, (his haud dubie interpretandus est,) redundare dicuntur fructus; quamuis est doctrinis ad vitam emendandam, cultum diuinum celebrandum plenissimus, cum tamen figuris imaginibusque poëticis, superstitioneque gentili inuoluta sint praecepta, et in tam amplo opere nimis dispersa reperiuntur, quae ab istis, vel plane non, vel male certe intelliguntur: sane vel nulli, vel admodum erunt exigui huius lectionis fructus. Denique linguam nostram fieri ita locupletiolem arbitrantur, verbis non solum, sed etiam imaginibus, eiusque famam apud externos augeri. Atque omni id laborandum esse studio, ut eam excolamus, cum ita et ipsa Germanorum fama nomenque augeatur, sitque quod peregrini frustra saepe sint conati. Verum enim vero parum istius utilitatis oriri ex versione Homeri facile intelligitur, si res iudicii aequitate veritatisque trutina ponderetur. Nam linguam Germanicam inde verbis non fieri locupletiolem, quis est quin videat? cum noua non inueniantur verba, sed Graeca tantum communibus, et usu tritis Germanicis tradantur. Quodsi enim, interpretis nouis fingendis verbis et, dicendi formis ab usu recesserit loquendi: haud dubie incurreret reprehensiones, nec optima, quae quaerebatur, inueniretur poëtae interpretatio.

Quae

Quae autem in Homero reperiuntur imagines, licet praestantissimae et frequentissimae, versione ob linguae diversitatem obscurantur et corrumpuntur. Quare tum demum de illis Germanica lingua gloriabitur fortasse, si ipse diligenter legatur Homerus, et a viris ingenio iudicioque excellentibus in usum vertatur, ut scriptis eius vim imitentur, quae cum nostro conveniat dicendi genere. Qua quidem ratione famam, et linguae, et Germanorum ipsorum, crescere posse puto longe melius, quam vlla versione, quam nemo exterorum leget, si vel fuerit optima, cum persuasum sit, interpretem semper in versione magis inhaerere genio linguae, ex qua versio fiat, quam illi, in quam transferatur auctor. Ut enim propriam et genuinam perspiciant dicendi rationem, ea propter exteri Germanicos legunt libros, quod vere longe satius confici recte arbitrantur, si librum, in quo omnes cogitationes Germanicae sint, legant. Deinde nulla fere est lingua, cui non traditus sit Homerus, plurimisque earum, cum Graeca magis convenientium, perfectius longe, quam Germanicae umquam tradi potest, id quod paullo post demonstrabimus. Itaque imitationes Homericæ, quae re et elegantia eum exprimant, nec verbis tantum inhaereant, nomen Germanorum augebunt. Quod quidem exempla virorum Germaniae clarissimorum luculentissime ostendunt, e quibus Wielandum nominasse sufficiat, qui sane nomen Germanorum scriptis magis illustravit, quam omnes, qui existerent alias, Homeri interpretes. Sin vero nostri homines in Graecis Latinisque interpretandis Germanice id agunt, ut cognitionem Graeciae antiquae et Latii litterarum nobis extorqueant, liberentque a necessitate, et, quae ipsis forte videtur, molestia discendi, homines molles et ignavos: profecto illius consilii vanitatem et noxam non est, quod ostendamus, cum non philosophorum rationibus, sed cura manuque medicorum egere videantur isti, qui tam peruerse et male sentiant de rerum natura.

At, si vel concederemus, posse quosdam saltem fructus ex versione Homeri Germanica oriri: non tamen conficitur inde, id quod confici nonnulli opinantur, vertendum esse Homerum, quia damna, quae inde oriuntur, haud dubie omnem fructum longe superant. Nam sane ita periculum est, ne pereat Graeci sermonis cognitio, et plane in obliuionem contemptumque hominum veniat. Nam quamquam, praeter Homerum, plures alii extant auctores, quorum dignitas et praestantia tanta sit, ut quam maxime Graecus discendus sit sermo: cum tamen orationis suavitatem, et bonitatem inuentionis, quae in carminibus Homericis inest, in-

primis alliciantur, et adeo quamdam litterarum Graecarum necessitatem sibi impositam putent plerique nostrum, si qui ad Graecum Homerum cognoscendum accedunt, iidem caeteros auctores non aequè dignos putabunt, ob quos in lingua discenda sudent. Nec sine lectione Graeci Homeri caeteri Graeci scriptores rectè possunt intelligi, cum rationes multorum dictorum ex eo haurire debeas, plurimaeque reperias loca, quae ad Homerum necesse debeant referri. Nam omnes existimarunt, Homerum esse fontem ingenii et bonarum sententiarum. Hinc legabant eum sedulo, certatimque imitabantur, quicumque orationis venustate pulchritudineque sententiarum lectoribus probari volebant. Quodsi autem haec barbaries grassari coeperit, ut Graeca nec curentur nec intelligantur: de eruditione vniuersa sane male agetur. Quae enim vera est eruditio, eam fere omnem in veterum scriptis, praecipue Graecorum, reperiri, nemo facile, nisi mente sit captus, negauerit. Quodsi igitur versio Homeri Germanica efficit, ut Graecus sermo non solum negligatur, sed ne disci quidem possit; merito eadem prima bonarum litterarum pernicies habenda est, cum ita ipsi verae eruditionis fontes quasi exsiccentur. Id quod cum experientia, tum natura rei, et suus quemque usus satis docet. Galli quidem, qui olim, cum maximo studio veterum, praecipue Graecorum, legerent scripta, et ex iis ingenia sua formarent, omni cum laude floruerunt, iam vero, pruritu quodam et coeco erga linguam suam amore impuls, omnia in eandem vertentes, a pristino famae fastigio deciderunt: atque cum ita aditus ad alios, nondum a se translato, legendos, iis sit praecclusus, ea scribunt, quae noua ducunt, a veteribus vero iam diu excogitata, vel rationibus, quae eos lateant, explosa atque refutata. Hinc fit, ut imbuti et occupati opinionibus, quae hypotheses dicuntur, nihil vel noui, vel attentione digni, si rem rectè existimaueris, proferant. Et quis nescit damna, quibus studium sapientiae, quam Philosophiam vocant, ex versionibus latinis librorum Aristotelis affectum est? Nam cum medio aeuo, pro barbarie istorum temporum, ubi Graeca nec curabant, nec intelligebant, et ingenium, bonis litteris subactum, deerat, Scholastici essent cupidi cognoscendi Aristotelis, cuius ingenium et subtilitatem, uti est, forte audiuerant esse admiranda: inuenti sunt, qui hanc Philosophorum gregi nauarent operam, ut interpretari latine conarentur Aristotelem. Verum in tanta Graecarum litterarum inscitia et negligentia, coacti sunt boni interpretes eodem modo fugere ad Aristotelem Arabicum, quo vulgus nostrorum interpretum ad Gallorum versiones. Atque

ita effectum est, ut, et ille Philosophus, ante ab Arabibus haud semper bene versus, iam plane contorqueretur peruertereturque miserum in modum, et Philosophia ipsa barbarorum vocabulorum segete, rerumque ieiunarum ac futilium mole obrueretur et deprauaretur quam grauissime. Igitur si nostris versionibus Graecum Homerum eiecimus et Germanicum induxerimus: futurum est, ut tandem neque Homerum ipsum intelligamus, neque alios Graeciae libros praestantissimos recte cognoscamus. Praefertim, cum nullo modo recta et absoluta Poëtae versio expectari posse videatur. De qua re nunc in altera disputationis huius parte videbimus.

Versionem rectam et absolutam dici, quae non modo easdem, quae sunt in Auctore, sententias, sensumque verborum referat, sed eandem quoque orationis formam, elegantiam, concinnitatem et suauitatem afferat, ita constat, ut rationibus res non egeat ullis. Nam, si in alterutram partem peccaueris, ut, vel vllum rerum, elegantiae, et suauitatis genus praetermiseris, quod aderat, vel ipse addideris, quod aberat, vel alia ratione quacunque mutationem induxeris aliquam: efficitur tuus, non vero Graecorum et verus Homerus. Suauitas vero, quae ex Homerica elocutione percipitur, (de suauitate, quae ex inuentionis praestantia efficitur, hic non loquor) varia et multiplex est iudicanda. Etenim non modo cernitur in delectu verborum exquisitorum et rebus aptissimorum, sed etiam in ordine et positione, in metri gravitate, numero, et sono strepituque litterarum et syllabarum, rei naturam egregie imitantium, aliisque virtutibus, quas ad elegantiam ornatumque orationis recte referunt Rhētores. Quorum igitur si vel vnum neglexerit, seu, ut verius dicam, praetermittere ob vtriusque linguae diuersitatem coactus sit interpret: manca et imperfecta relinquitur interpretatio, nec, quae quaeritur, efficitur perfecta, et suis plane numeris absoluta. Quam difficile autem illud habendum sit, imo a rei natura prorsus abhorrens; per partes demonstrare conabimur, sed ita, ut breuitatis ratione habita, non nisi aliquot, easque praecipuas, quae nobis quidem videntur, afferamus rationes, unde nostrorum appareat interpretum vanitas. Quod si quis consideret, quanta sit vtriusque linguae in flectendis singulis verbis, deriuandis, et componendis diuersitas; item, quot iidemque diuersissimi canones sint, quibus vtraque adstringatur lingua propriis: is, ut omnino nullam vllius scriptoris Graeci, ita multo minus Poëtae, ubi longe maior obicitur difficultas a legibus metri, et aliis, quibus uti Poëtae solent, figuris et mutationibus verborum, perfectam fieri posse versionem facile intelliget.

Nam si leges carminis, quae de metro et aliis sunt, orationem liberam esse non sinunt, sed saepenumero ingenium quasi cogunt, alia omittere, alia sequi, etiamsi Poëta ipse fingit, nec aliena exprimit: quid tandem futurum est, vbi alterius est interpret, nec quicquam addere noui licet, nec, quod antea aderat, aut certe illius vim, formam et pulchritudinem imminuere? Ex panno quidem nouo et integro vestem concinnam et aptam facile conficit sartor, verum non aequae facile fieri potest, vt veterem vestem ita immutet et transformet, vt alia conficiatur, quae conueniat admodum corpori, et magnitudine et forma plane diuerso, nulla superioris vestis particula praetermissa, aut noua aliqua addita. Quod sartor hic efficere non potest in mutanda veste, id multo minus in carmine vertendo praestare posse existimandus est interpret, quippe maior difficultatum, quae hic occurrunt, est multitudo. At non est, quod quis carminis legibus sese subiiciat, cum versio sententias easdem, sine metro, oratione soluta, aequae possit exprimere. Falluntur egregie, qui ita statuunt. Et si enim non negamus, fieri posse, vt oratio, a legibus versus libera, sensum verborum et rerum eundem referat, qui sit in carmine: non tamen eadem forma relinquitur et elegantia, sed plane frigida, inconcinna et ridicula efficitur oratio. Poësis enim verborum quorundam proprietate, sublimitate sententiarum, troporum frequentia audaciaque, et similitudinum copia, aliisque nonnullis rebus, quae sunt carminis ornamenta, quam plurimum differt ab oratione pedestri et soluta; in quam si intuleris, quae carmini sunt propria, coelum et terram, vt ita dicam, miscueris, et *humano capiti*, instar pictoris Horatiani, *cervicem iunxeris equinam*, seu, cum specie rationis insanieris. Deinde Germanica lingua, vt nulla recentior, quae nobis quidem nota est, ne latina quidem, tam facile flecti potest, vt inde composita oriantur, quae a suauitate et analogia linguae non abhorreant. At Graeca lingua tam tenera et flexibilis reperitur, vt facile sequatur, quocunque torqueas, atque instar mollis cerae, omnes formas recipiat, quascunque imprimas siue in flectendis nominibus et verbis, siue in componendis plurium rerum notionibus, siue etiam in diuellendis compositi partibus, vbi vel versus mensura, vel suauitas soni rem postulauerit. Vt igitur illa virtus aptissima est ad carminis rationem Graeci, ita quam maximas parit difficultates interpreti Germano, cuius lingua tam dura est, vt raro componendi concedat breuitatem. Igitur interpret cogitur, vel compositi Graeci vim pluribus verbis declarare, atque ita rationem breuitatis et suauitatis, quae interdum haud mediocris est, habere nul-

lam,

iam, vel, ut breuitati consulatur, sensum imminuere et frangere. Quam valde autem vtrumque a consilio abhorreat, facile intelligitur. Compositorum verborum, ut omnino apud Graecos, ita imprimis apud Homerum, sunt duo genera; alterum comprehendit ea, quae sensu quidem et vi a simplicibus non differunt, sed, aut numerum quemdam, sono et rei grauitati aptum, efficiunt, aut metro, salua elegantia, seruiunt, veluti *πρῶτον*, Il. α, 3, et aliis in locis, vbi Cel. ERNESTI verissime iudicat, errare, qui per *praemittere*, aut *praematurae et acerbae morti aliquem tradere* l. c. explicent; esse enim simpliciter *mittere* seu *dimittere*: alterum complectitur ea, quibus plures subiectae sunt notiones, v. c. *ἐπευφημεῖν* Il. α, 23. *acclamare, clamore et acclamatione rem comprobare*; *ἀφάμαρτοεν*, γ, 215. *qui verbis non errat, s. qui non propria sed tropica utitur oratione*. Tum necessitas verborum auxiliarium apud Germanos in temporibus praeteritis et futuris, pronominumque personas significantium vsus, sermonem tenacem, asperumque reddit, atque longa circuitio anfractusque, quo circumscribatur oratio, magis ad vocem obtundendam pertinet, quam ad aures delectandas, sensumque illustrandum confert. At iste inutilis verborum strepentium apparatus longe abest a Graecae linguae ratione, quae ita breuior, sed aequae perspicua, sed multo suauior est. Haec enim, ut Latina, flectendo tantum atque nonnullas litteras mutando, omnem absoluit temporum personarumque differentiam. Si itaque in Poëta celeritas visque, quae verbis breuibus simplicibusque inest, reperitur, ea in versione Germanica non poterit retineri; in verbo, veluti, *ἄλλομαι*, sonus ipsam salientis celeritatem imitatur, verum quanta mora, naturae rei plane contraria, inest Germanico, *ich springe*. Si Poeta canit *σὺν τεύχεσιν ἄλτο χαμᾶζε*; egregie sunt expressa, sed est secus in Germanico, *mit den Waffen sprang er auf die Erde*. In *ἰστέλω* res breuiter, vti par est, absoluitur, sed in *ich werde lauffen* inutili tarditate et mora retinetur. Vt nihil dicamus de eleganti et vario participiorum vsu, qui in Graeca et Latina lingua frequentissimus est, quorum breuitatem et elegantiam Germanicae linguae asperitas assequi non potest. Est quoque positus verborum, apud Germanos arctioribus longe adstrictus legibus, quam apud Graecos et Latinos, qui legibus linguae saluis, possunt sequi ordinem rerum, quem numerus, sonus, et rei natura postulat. Si illud Horatianum, *Parturiunt montes, nascetur ridiculus mus*, verteris, vti Ramlerus, ceteroquin homo ingeniosissimus, *Der greiffende Berg wird eine kleine Maus gebahren*: omnis versus gratia perierit. Nam verba sonantia, longa et graui, quibus ab initio versus incedit, promittunt

rem magnam, incenduntque auditoris expectationem: finis autem versus leuitate et breuitate mirifice ad rei futilitatem et vanitatem significandam, risumque excitandum est aptus. Neutrum vero Germanus assequi potuit. Referta sunt Homeri carmina exemplis eiusmodi, quorum non nisi vnum, vt breuitati consulamus, proferre sufficiat; in versu Il. α, 34, Βῆ δ' ἀκέων παρὰ θῖνα πολυφλοίσβοιο θαλάσσης, dispositionem numerorum Chrysem, cogitatione defixum, mirifice depingere, recte vidit Clarius. Igitur nisi interpretatio Germanica eandem dispositionem retineat, quod vix fieri posse nobis videtur: gratia versus Germanici omnis perierit. Praeterea particularum, quae, cum per se ponuntur, tum cum aliis coniunguntur, frequens et is exquisitissimus est vsus, quem asperitas Germanica rarissime admittit. Nec enim putandum est, merri causa tantum positas esse illas, et sensu inanes, id quod ab Homeri ingenio, qui Graecam linguam perfecte nouerit, est alienissimum. Atque vt hae particulae saepenumero intelligentiam reddunt difficilem: ita interpreti Germanico haud mediocrem parere putandae sunt difficultatem, quam superare linguae barbaries et asperitas non sustinet. Sic particula δὲ semper vim addit orationi, sed non semper vno modo est vertenda. Nam apud imperatium est *quaeso*, in interrogatione significat *tandem*, in reliqua oratione vim habet fere formae, *uti res est*, *uti prababile est*, *de qua re dubitare nefas est*, etc. Quamquam non negauerimus, Germanos ipsos posse interdum bene exprimere per particulas, veluti *wohl*, *doch*, *freylieh*, *eben*, v. c. *vñv δὲ*, *eben ietzt*, vel, *eben vorhin*, etc. nec tamen semper et vbique fieri potest, nec eadem breuitate, quae in Graecis singularem efficit elegantiam et suauitatem. Particula μὲν fere ad particulam δὲ refertur, connexionemque suauem inducit: sed, vt neque semper in Latina lingua reddi potest, ita elegantia eius et vsus a Germanica plane exulare cogitur. Γε, quod pronomini, personalibus maxime, aduerbiis, aliisque verbis iungitur, plerumque quidem a Latinis commodè reddi potest, per *quidem*, *sane*, *certe*, sed Germanus nisi ineptire malit, abstinere cogitur, aut certe circuitione frigida et molesta uti. Particula γὰρ elegantissime saepe ponitur, sic vt ellipsin totius sententiae indicet. Ratio vero Linguae Germanicae a tali vsu particulae *denn* abhorret. Res igitur si negligitur ab interprete; versio accurata et fidelis non est: si sententia omissa restauratur; oratio efficitur longitudine sua inutili fastidiosa, atque haud mediocris tollitur elegantia. Non est, quod multis sim in demonstrando vsu, et exquisita elegantia Graeci sermonis particularum, cum Deuarij aliorumque doctissimorum hominum libelli observationesque satis sint cognita,

Maxima vero difficultas oritur ex usu epithetorum Homericorum frequentissimo, quae non modo personis, sed caeteris quoque rebus tamquam personis fere tribuuntur. Is quidem usus Homero licet, et in sua lingua, suoque tempore admodum elegans videtur, a nostra vero dicendi ratione, etiam poetica, abhorret quam longissime. Sunt vero epitheta apud eum non unius generis, quae, quo melius rem definiamus, epitheta distinctionis, et naturae appellemus. Quorum priora ea sunt, quae rem ab aliis distinguunt, ideoque maxime sunt necessaria. Facile igitur patet, ea utramque linguam in utroque genere, prosaico, et poetico ferre, in iisque difficultatem plane esse nullam, v. c. si Thetidis pater vocatur ἄλιος γέγων, id quidem optime in quamlibet poterit verti linguam, cum ita ab omnibus aliis distinguatur. Verum de epithetis naturae, significantibus rem, quae semper et ubique de eodem nomine potest dici, quorum usus est frequentissimus apud Homerum, non uno modo est respondendum. Si quae vim argumenti habent, v. c. Deus *omniscius* te non ignorabit; ea Germanicae quoque et caeteris conueniunt linguis: sin plane nullam distinguendi potestatem habere videntur, v. c. *naues cauae, pedibus celer* Achilles etc. eorum usus ne poetis quidem nostris est concessus. Verumtamen si ab interprete negliguntur; aliqua elegantiae Homericæ pars perit. Nam Virum v. c. a maioribus, aut facto aliquo insigni, aut virtute eximia appellare, ad dignitatem pertinere olim est existimatum. Sic Agamemnon Il. κ', 68, auctor est Menelao, ut ad reconciliandos animos principum humanitate et comitate a patria stirpe sua quemque compellet: Πατρόςδε ἐν γενεῇς ὀνομάζων ἄνδρα ἕκαστον Πάντας, κυδαίνων. Hinc mirum non est, si, praeter personas, rebus quoque vitae expertibus passim eiusmodi epitheta tribuuntur, propterea, quod crebrior est apud Homerum prosopopeiarum usus, quam vulgo putatur.

Satis de verbis ipsis et sententiis; restat, ut paucis dicamus de sono litterarum et vocum, earumque numero, ad rei naturam exprimendam admodum apto, unde aliud, idque longe maximum, infertur interpreti impedimentum, quo minus verus et elegans reperiatur et expediatur Germanicus Homerus. Ex ingenti exemplorum multitudine pauca tantum proferemus. Sic veluti in vocibus πολυφλοίσβοιο θαλάσσης, sonus sibilans strepitum undarum fluctuantium et sese percutientium imitatur: ἐκλαγξαν, nihil melius quam vocabulum hoc ideam clangoris exprimit. Il. α', 249. Τοῦ καὶ ἀπὸ γλώσσης μέλιτος γλυκίων ῥέει ἀυδὴ, coniunctione apta vocalium, et blando sono inde effecto, ipsa Nestoris oratio blanda exprimitur elegantissime. Frequentia litterarum σ, Il. γ', 133, Ἐν πε-
δῶ,

δα ὁλοοῖο ληλαϊόμενοι πολέμοιο, gravitatem rei et clamorem militantium imitatur: et spondaeī frequentes ibidem qui sunt in μακρῆς ἐγχείησι μαχήσονται, significant ipsarum hastarum longitudinem, et morā mulieris in narrando ad rem ipsa manu et corporis gestu demonstrandam. cf. δ', 451. δ', 199. Ὀμοιότελευτα Il. β', 382. seqq. Ducis graviter praecipientis et ad pugnam incitantis vocem mirifice exprimunt; Ἐν μὲν τις δόρυ θηξάσθω, ἔν δ' ἄσπιδα θέσθω, Ἐν δέ τις ἱπποισὶν δέπνον δότω ὠκυπόδεσσιν, Ἐν δέ τις ἄρματος ἄμφος ἰδῶν, πολέμοιο μεδέσθω. Atque Il. α', 432. numeri, navis ingredientis portum et agitatae fluctibus agitationem exprimunt, atque difficultatem egrediendi e navibus per litus v. 436-439. ostendunt; vbi et multi reperiuntur spondaeī, et in pede secundo caesura deficit. Vbi celeritas quaedam indicatur versus ipse currit, vid. Il. α', 149. γ', 133. etc. Vbi varia est ratio sententiae, varius quoque est numerus, sic, Il. α', 197. Στῇ δ' ὀπίθεν, ξανθῆς δὲ κόρης ἔλε Πηλεΐωνα, initium celere est, vbi restitit Minerua, versus quoque quasi stat; in fine spondaeis exit versus cum lente admodum actio ista fieri possit. Finis quoque versus, in simplex verbum exiens, semper quamdam convenientiam cum re exprimenda habet; sic, Il. α', 45. magna indicatur Chrysaē perturbatio; ε', 4. flammāe splendor, celēriter oriens, itidemque subito occidens, monosyllabo exprimitur. Vt omittam cantum Iulciniae Odys. τ', 521 seqq. descensum Neptuni, et currus velocitatem, Il. ν', 17. 18. et sexcenta alia, quae vel aliis iam sunt observata, vel facile quivis observare poterit. Quodsi igitur hoc elegantiae genus in proprietatibus quibusdam linguae, litterarum et syllabarum vel asperitate vel mollitie, vocum tono et mensura, et aliis admodum subtilibus rebus cernitur: facile intelligitur, non communes esse posse linguae, quae in primis minus flexibilis, minus mollis et elegans reperitur.

Etsi vero, VIR DOCTISSIME, aliis nonnullis argumentis, iisque forte haud infirmis, vanitas Homericorum interpretum, quos a TE saepe derideri memini, ostendi posse videtur: ne tamen in re, apud TE adeo plane superuacua, multus et importunus esse videar, finem disputationis faciendum esse statuo: praesertim cum non ignorem, TE, rationes meas si non probaueris, certe rem ipsam non improbatum esse. Nam satis persuasum mihi habeo, TE non magis TIBI Homerum Graecum, quem tantopere adhuc amasti, et quem TVAS delicias ruri fore confido, emanibus extorqueri a stultitia nostrorum hominum passurum esse quam mihi. Caeterum nihil magis rogo, quam ut PRAESIDEM nostrum, qui TE adhuc amavit magnopere, amabitque imposterum, societatemque nostram, meque, qui TVI sum studiosissimus, TVO amore perpetuo amplectaris. Vale. Scripsi Lipsiae. d. 23 Iul. c1710CCLXXII.

